


## Gempa bumi lemah di Kundasang, Sabah

Oleh Juwan Riduan - April 26, 2022 @ 10:54am  
[bhnews@bh.com.my](mailto:bhnews@bh.com.my)



Gempa bumi lemah 3.7 magnitud berlaku di Kundasang, Sabah pagi ini.

KUALA LUMPUR: Gempa bumi lemah 3.7 magnitud berlaku di Kundasang, Sabah pada 9.28 pagi ini.

Menurut kenyataan Jabatan Meteorologi Malaysia (MetMalaysia), gempa itu berlaku pada jarak 14 kilometer (km) barat laut Ranau, Sabah.

Menurut kenyataan itu seperti dilaporkan BERNAMA, gempa yang berlaku pada kedalaman 10km itu telah menyebabkan gegaran dirasai di Ranau.

Sementara itu di Ranau, Ketua Balai Bomba dan Penyelamat (BBP) Ranau, Ridwan Mohd Talib, berkata tiada bangunan yang rosak susulan kejadian gempa bumi itu.

"Setakat ini, bomba tiada menerima aduan susulan gempa bumi itu. Bagaimanapun BBP Ranau ada melakukan pemantauan di kawasan Pekan Ranau.

"Setakat ini keadaan terkawal dan hasil laporan pasukan bomba yang memantau, tiada kerosakan bangunan dilaporkan," katanya ketika dihubungi.